



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05/01-04-37535-5/20 VI
Sarajevo, 08.10.2020. godine

SKUPŠTINA KANTONA SARAJEVO

- o v d j e -

n/r Mirza Čelik, predsjedavajući

PREDMET: Odgovor na zastupničko pitanje zastupnice Segmedine Srna Bajramović, dostavlja se

Zastupnica u Skupštini Kantona Sarajevo Segmedina Srna Bajramović, na 29. Radnoj sjednici Skupštine Kantona Sarajevo, održanoj dana 28.09.2020. godine, u okviru tačke Dnevnog reda "poslanička/zastupnička pitanja, inicijative i odgovori", postavila je zastupničko pitanje, koje glasi:

„Molim Ministarstvo prostornog uređenja, građenja i zaštite okoliša za mišljenje da li su Gradsko vijeće Sarajevo, te općinska vijeća prema Zakonu o prostornom uređenju Kantona Sarajevo (Službene novine 24/17) dužna u svojim odlukama imati Stratešku procjenu uticaja na okoliš kod donošenja novih odluka o izmjenama i dopunama odluke o pristupanju izradi izmjena i dopuna regulacionih i ostalih planova koji su započeti po starom zakonu.“

ODGOVOR:

Strategijska procjena okoliša je savremeni okolišni instrument koji proizilazi iz Direktive Vijeća ministara 2001/42/EC, a koja nalaže zemljama da trebaju procjenjivati uticaje na okoliš već u fazi pripreme strateških programa i planova, a ne kada dođe do realizacije planiranih aktivnosti u prostoru.

Direktiva je djelimično transponovana u Zakon o zaštiti okoliša ("Službene novine Federacije BiH" br. 33/03 i 38/09), te je članom 51. utvrđeno, da "Tijela nadležna za izradu dokumenata prostornog uređenja i tijela nadležna za izradu planova, programa i strategija iz oblasti: poljoprivrede, ribarstva, šumarstva, energije, rudarstva i industrije, transporta, upravljanja otpadom, upravljanja vodom, čiji sadržaji mogu imati negativan uticaj na okoliš, dužni su izraditi strategijsku procjenu okoliša."

Budući da Zakonom nije bliže regulisan postupak njenog provođenja, na prijedlog ovog Ministarstva, Vlada Kantona Sarajevo je donijela Uredbu o strategijskoj procjeni uticaja planova i programa na okoliš ("Službene novine Kantona Sarajevo" broj 32/11), kojom su propisani uslovi, način i postupak vršenja strategijske procjene, radi obezbjeđivanja visokog nivoa zaštite okoliša i unapređenja održivog razvoja integracijom osnovnih načela zaštite u postupak pripreme i usvajanja planova i programa.

Članom 17. Uredbe utvrđeno je, da za regulacione planove iz nadležnosti Grada i općina čiji sadržaji mogu imati negativan uticaj na okoliš, Ministarstvo će utvrditi potrebu vršenja strategijske



procjene do donošenja Izvještaja o strategijskoj procjeni uticaja na okoliš Prostornog plana Kantona Sarajevo za period 2003.-2023. godine. S obzirom na to da Izvještaj nikada nije donesen, ova odredba je još uvijek na snazi.

Međutim, praksa je pokazala, da su nosioci pripreme planskih dokumenata izbjegavali tražiti mišljenje Ministarstva o potrebi vršenja strategijske procjene uticaja na okoliš. Veoma malo zahtjeva za mišljenje je podneseno i uglavnom su svi bili nepotpuni, a na zahtjev Ministarstva za upotpunu dokumentacije nije odgovarano.

Budući da većinu prostorno-planskih dokumenata donose općine i Grad, a da je okolišna inspekcija u Federaciji BiH organizovana samo na nivou entiteta i kantona, tj. ne postoje općinske okolišne inspekcije koje bi vršile kontrolu primjene ove Uredbe za planove iz nadležnosti općina i Grada, ukazala se potreba da se obaveza vršenja strategijske procjene utvrdi i u novom Zakonu o prostornom uređenju. U tom smislu, u Zakonu o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) prvi put je propisano, da odluka o pristupanju izradi Prostornog plana Kantona obavezno sadrži i Strategijsku procjenu uticaja na okoliš, dok se za ostale planske dokumente ova obaveza utvrđuje po prethodno pribavljenom mišljenju Ministarstva u skladu s Uredbom, te da inspeksijski nadzor vrše urbanističko-građevinski inspektori.

Za dvije godine, koliko je Zakon u primjeni, zaprimljeno je preko dvadesetak zahtjeva za mišljenje, a u sedam slučajeva je utvrđena potreba vršenja strategijske procjene.

Dakle, ukoliko je Ministarstvo utvrdilo obavezu vršenja strategijske procjene uticaja plana na okoliš, shodno odredbama Uredbe, nosioc pripreme planskih dokumenata mora donijeti odluku o vršenju strategijske procjene uticaja plana na okoliš kao poseban pravni akt, te elemente te odluke unijeti u odluku o pristupanju izradi plana.

Napominjemo da je, u cilju efikasnijeg vođenja postupka strategijske procjene uticaja na okoliš, Ministarstvo pripremilo novu Uredbu, kao i „Priručnik za integraciju strateške procjene uticaja na okoliš u postupak pripreme planskih dokumenata“, koji će biti objavljen nakon usvajanja Uredbe od strane Vlade Kantona Sarajevo.

Takođe, i novi Zakon o zaštiti okoliša Federacije BiH, koji u formi prijedloga još uvijek nije usvojen u Domu naroda Federacije BiH, detaljnije reguliše ovu materiju.



MINISTAR
Faruk Kapidžić, dipl.ing.arh.

Dostaviti:

- ☉ Naslovu
- Službi za skupštinske poslove Kantona Sarajevo
- Stručnoj službi Vlade Kantona Sarajevo
- Sekretaru Vlade Kantona Sarajevo
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

